

**Siunnersuut: Nunatsinni “Project Money Transfer” pillugu misissuinissaq anguniarlugu Naalakkersuisut qallunaat naalagaaffiannut saaffiginnillutik peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Doris Jakobsen, Siumut)

**Akissuteqaat**

(Aningaasaqarnermut Naalakkersuisoq)

**1. Siullermeerneqarnera**

Siullermik siunnersuut Inatsisartunut ilaasortamit Doris Jakobsenimit tunniunneqartoq qujassutigissavara. Nunatta Danmarkillu aamma nunat aalajangersimasut allat akornanni aningaasanik nussuisarnerup misissuiffigineqarneratigut akileraarutitigut isertitassaagaluartut qulaajarneqarsinnaanerat Naalakkersuisut isumaqatigivaat.

Naalakkersuisut paasissutissiissutigissavaat, kalaallit akileraartartut ilaasa nunanut allanut nussuisarsimanerat pillugu “Projekt Money Transferimit” paasissutissat arlallit Danmarkimi Skatip 2011-mi ukiakkulli Akileraartarnermut Aqutsisoqarfimmut nassiumagit. Paasissutissat taakkua Akileraartarnermut Aqutsisoqarfiup akileraartarneq pillugu nakkutilliisarnermini nalinginnaasumik pingaarnersuisarneranut ilaapput.

Maannakkorpiaq nalilerneqarpoq, siuliassaq eqqarsaatigalugu misissuinertigut iluanaaruteqarsinnaaneq naatsorsuutigineqarsinnaanngitsoq. Taamaattumik siunnersuut Naalakkersuisut tapersorsorsinnaanngilaat.

Taamaattumik aalajangiunneqarpoq, “Project Money Transfer”-imut tunngatillugu paasissutissat akileraartarneq pillugu nalinginnaasumik nakkutilliisarnermut ilaatinneqassasut.

Aammattaaq Naalakkersuisunit paasissutissiissutigineqassaaq, Projekt Credit Card-imut tunngatillugu paasissutissanik paarlaasseqatigiinnissaq siunertaralugu Akileraartarnermut Aqutsisoqarfimmit Danmarkimi SKAT attaveqarfigineqarniarmat.

Akileraartarnermut tunngasutigut suliaqarfimmi ileqquvoq, Akileraartarnermut Aqutsisoqarfiup Danmarkimilu SKAT-ip akornanni suleqatigiilluartarneq, tassunga ilanngullugu paasissutissanik nunap aappaata akileraartarnermik nakkutilliinermini atorsinnaasaanik paarlaasseqatigiittuarneq. Taamatut suleqatigiittarneq Naalakkersuisunit pingaartinneqarpoq, sapinngisamillu tamatuma nukittorsartuarneqarnissaa kissaatigineqarluni.

Taamatut oqaaseqarlutik Naalakkersuisut inassutigaa siunnersuut akuersissutigineqassanngitsoq.